

وفی ۱۹ تموز سنه ۱۳۲۶

فی ۲۵ رجب سنه ۱۳۲۸

پازار ایرتسی

جمعیت علمیة اسلامیه نك ناشر افکاریدر

مدیر مسئول :
مکتب قضاة معالمردن
کلیسی منیر

سر محرر :
فاتح مجیز درسعالمردن
نوقاد مبعوثی
مصطفی صبری

صاحب امتیاز :
فاتح مجیز درسعالمردن
استانبول مبعوثی
مصطفی عاصم

مندرجات

تاریخ اسلام صحافندن طاهر المولوی	مسافر فاضله نطق
اسلامده علوم وفنون ع . عاطف	ادبیات
وعظلمزدن	ماتمزده بر والده ع . عاطف
مسلمانلرده عائله حیاتی احمد شوق	عشقنامه طاهر المولوی
	شکوفه بهارستان طاهر المولوی



نسخه سی ۱ غروشدرد

آبونه اجرتی (پوسته اجرتیه برابر در)

مالک اجنیه ایچون :
۲۰ ، ۶۰ فرانق
» ۱۰ ، ۳۰

استانبول وولایات ایچون :
بر سنه لکی ۶۰ غروش
التی آیلنی ۳۰ »

درج اولنیمان اوراق اعاده ایدلمز

قارئلمزده

اکثر مقالاته آیات کریمه واحادیث نبویه درج ایدلش بولندینی نظر اعتبارده آلهرق رعایتسز لکده بولنمامسی رجا اولدور .

در سعادت

محمود بك مطبعه سنده طبع اولنمشدر

سودم سنی اولیہ صافیانہ ،
آنحقی او ، اولور سزاسی عشقک !
عفت ایله در صفای- سودا ،
عندمدہ بودر قضاسی عشقک !
طاہر بوتجاوز ایله بترسہ ،
اول عشق اولور فناسی عشقک ،
تموز سنہ ۳۱۹

طاہر المولوی

شکوۃ بہارستان

۱ رودکی

شعراى ماوراءالنہردن اولوب اعمی اوله رق تولد
ایتمشدہ۔ خارق العادہ بر ذکایہ مالک اولدیغندن سکیز
یاشندہ ایکن قرآن کریمی حفظ ایش ، قرائت تعلیم
ایلمش ، علی روایۃ شعر سویلمکک باشلامشدہ۔
سسی کوزل اولماسی مناسبیتیلہ علم ادوارہ وعود
چالغہ هوس ایدہ رک آز مدت ظرفندہ روحپرور بر
خوانندہ ، وجد آور بر سازندہ اولمشدہ۔
ملوک سامانیہ دن (نصرین احمد) د انتساب پیدا
ایتمکک او سایہ دہ یسار وفیرہ نائل اولمش کہ ایکی یوز
کولہ سی درتیوز دہوہ - نامنہ - تجارت ایدہ زمش۔
(ابوالنصر محمدین عبدالجبار) ک تحریر ایلمدیکی
تاریخک (یمینی) عنوانیلہ مشہور اولان شرحندہ
مسطور بولوندیغہ کورہ رودکینک مجموع اشعارى بیک
کرہ بیک اوچیوز ، یعنی بر میایون اوچیوز بیک بیت
ایمش !

حضرت جامی ، بو روایتی (العہدۃ علی الراوی)
عبارہ سیلہ تقیید ایدیور۔

شو نصیحتی پک مشہوردر :
زمانہ بندی آزاده وار داد مرا
زمانہ را چونکو بنگری ہمہ پندست
برو زنیك کسان آرزو مبر زہار
بسا کسا کہ بروز تو آرزومندست
مالی

زمان ، بکا آزاده سرانہ بر نصیحت ویردی - ذاتاً
دقتلہ باقارسہ ک زمانک نصیحتدن عبارت اولدیغنی
کورورسک - صاقین ارباب یسارک احتشام ودارانہ
هوس ایتمہ کہ چوق کیمسہ سنک حالکک متحسردر
دیدى۔

قبری نور اولسون معلم ناجی مرحوم (مجموعۃ
معلم) دہ بونی یازدقندن صوکرا شو یولدہ علاوۃ افکار
ایتمشدہ :

بیک سنہ لاک رودکی
طوتدی بو خوش مسلکی
عالم او عالم ینہ
اولمایلم مشتکی

صنائف پیرای تواریخدر کہ : رودکینک ممدوحی اولان
(نصر بن احمد) برسیاحتندہ (مرو) د اوغرار . آب
وهواسندن خوشلانوب ایچہ اقامت ایدہ۔ ارکان دولت
بخاریہ آرزوکش اولدقلرندن شاہی اورایہ تشویقی حاوی
برشی اوقوماسنی رودکیدن رجا ایدہ رلر ۔
بر بہار صباحی ، کونش طاعلرک تپہ لرندن هنوز
کوروندیکی وضیاسیلہ ہریرزین بر کسویہ بوروندیکی
صیرادہ (نصر بن احمد) اوتاغ شاہیسنک اوکندہ
اوطوروب :

ہات الصبوح هیوا یا ایہا السکارا
طلبندہ بولنور . شراب شبانہ نک ویردیکی خمارى
ازالہ یہ چالیشدینی ائسادہ رودکی کلیر۔ ساز دلنوازیلہ
آواز قسوتسازینی آہنک ایدہ رک غزل آتی پی اوقور ۔

کړک غزنه ک سلاستی ، کړک آهنگ لطفاتی نصره او قدر
تأثیر ایده که چیزمه سنی کیمه دن آتیه بنوب بخارا یولنی
طوتاز .

باد جوی مولیان آید همی
بوی یار مهربان آید همی
ریک آمو ودرشتیهای او
زیرا چون پرنیان آید همی
آب جیحون و شکر فیهای او
خنک مارا تامیان آید همی
شاه ماهست و بخارا آسمان
ماه سوی آسمان آید همی
شاه سروس و بخارا بوستان
سرو سوی بوستان آید همی
مالی :

(مولیان) ایرماغنگ روزکاری اسیور صانکه یار
مهربانک بوی دلایزی کلیور .

(آمو) چولنده کی قوملرک سرتلکی پای اشتیاقزک
آلتنده (پرنیان) کبی رقت و لطافت کسب ایدیور !
(جیحون نهری بیله او قدر عمقیله برابر آنجق آتمزک
قارننه چیقایلیور ! ای بخارا شاد اول ، یاشا که شاهسکا
مسافر کلیور . شاه ، برماه نور افشان ؛ بخارا ایسه
همچال آسماندر . ماه سما پیرا ، جلوه کاهی اولان آسمانه
یوکسه لیور . باخود شاه بر سرودرکه بخارا بوستانیدر .
سرو دلارا ، محل حرامی بولان بوستانه کلیور .

ما بیدی وار

ظاهر الملوی

معارف عمومیہ نظارتندن تبلیغ اولمشدر .
مکاتب خصوصیه دن برهان ترقی مکتبک کچنده
ترتیب واجرا ایلدیکی یالوه تنزهندن اول جلب ایدیلان
مکتب مزبور مدیری حتی بک نظارتک اولب ابد کی
تبلیغات و تنبیها ت قطعیه سی اوزرینه آداب اسلامیه و اخلاق
ملیه مغایر برکونا حرکتده بولنامیه جغنی بیان ایتمش
ایدی غزنه کزک ۲۱ حریران سنه ۳۲۶ تاریخ و آتمش
یدی نومرولی نسخه سنده اشبو تنزه ائسانده شاگردان
و مخدرات اسلامیه آرهنده علنا عشرت ماصه لری
قورولدیغی حقنده جالب نظر دقت بر فقره کورولمسی
اوزرینه کیفیت درحال امنیت عمومیہ مدیریتندن استفسار
اولندی ائسای تنزهده واپورده بولندیریلان مأمورین
ضابطه نک افاده سنه عطفاً بوکره مدیریت مذکورده دن
آلئسان تذکره جوابیه ده بویه بر حال وقوع بولندیغی
بیلدیرلمش اولمغله کیفیتک غزنه کزله تصحیح بیورلمسی
متممادر .

بیان الحق

مذکور نسخه مزده بوکا دائر مندرج اولان مقاله
صراط مستقیمدن اقتباس ایدلمش و بو فقره سنک حقنده
شایان اعتماد اولماقی احتمانه مبنی بیان مطالعه ایدلیه رک
دیگر فقره سی حقنده بر قاچ سوز سوبلنمش ایدی .
بو خصوصده آداب اسلامیه و اخلاق ملییه مغایر
برکونا حرکت وقوع بولماقی ایچون اتخاذ ایتمش اولدقاری
تدایردن طولانی معارف عمومیہ نظارتنه بیان تشکر
ایده رک بعدما امشالی حقنده ده تقیداتک تمادیسنی کړک
نظارت مشار الیه دن و کرکه امنیت عمومیہ مدیریتندن
تمنی ایلرز .

مدیر مسئولی : محمد منیر

مخودبک مطبعه سی